

丁清惠公遺集

卷之卷



丁清惠公遺集卷之三目錄

陞任懇乞休致疏

時陞北京工部左侍郎

再懇休致疏

時陞北京工部左侍郎

辭免新命疏

時陞南京工部尚書

到任謝恩疏

時任南京工部尚書

地方災傷乞酌量蠲免疏

時任南京工部尚書

修理橋梁疏

時任南京工部尚書

留都武弁窮極堪憐乞賜議處襲替疏

時任南京工部

署兵部事

請給督冊關防疏

時任南京工部署兵部事

修理殿房以崇奉祀疏

時任南京工部尚書

懇憐織造苦役歸併甦困疏

時任南京工部尚書

報完橋工疏

時任南京工部尚書

殿房修理報完疏

時任南京工部尚書

開濬河道以疏地脉疏

時任南京工部尚書

丁清惠公遺集卷之三

嘉善丁 賓禮原甫著

奏疏

陞任懇乞休致疏

時陞北京工部左侍郎

奏為感恩愈重夙疾愈增懇乞

天恩俯容休致以安愚分事臣濫竽仕籍待罪操江

於萬曆四十年九月間接邸報吏部一本為缺

官事奉

聖旨丁賓陞工部左侍郎欽此臣感激

天恩涕泗交集竊思臣行能淺薄奉職多愆一旦過蒙

皇上簡擢亟欲勉勵消埃圖報萬一不意今年三月  
天恩初六日與新任操江羅朝國交代後舊病腸紅  
痰火陡作每日頭目眩暈兩臂不仁遍體烝熱  
飲食少進醫生謂臣氣體素弱兼之年力已衰  
遂致藥餌時親一時罔克奏効伏自念臣之不肖  
肖仰荷  
皇上四十餘年造就

洪恩而犬馬未將安敢惜此微生以託優養奈福口  
踰而任難勝心欲奮而力不前若不從實奏  
聞恐日復一日耽悞水衡重務用是冒罪瀝誠仰干  
天聽伏乞

皇上鑒臣情非假託病難遽痊容臣休致別選賢才  
聖旨以充委用則臣自今以往含哺擊壤祝  
聖壽於無疆而司空重任更不至於廢時失事矣臣  
不勝惶悚激切待

命之至爲此具本專差義男丁善齋捧謹具奏

聞伏候

勅旨不

聖嘉萬曆四十一年五月十四日奉

聖旨丁賓着遵旨前來供職不准辭吏部知道

天

聞

再懇

奏為

再懇休致疏

時陞北京工部左侍郎

奏為再懇

天恩俯容休致以保餘生以重任使事臣于本年四

月十五日為舊恙腸紅痰火陡發具疏乞休業

經退伏里廬拱埃

聖鑒外乃屏息旬月未奉

明綸豈謂微臣有老馬未盡之用尚可鞭策而前乎

奈臣稟受素弱病豎久侵方其壯也尚不如人

况今年已逾邁衆疾交攻肢體竝瘁比及釋負

就間之日益見支離困頓之形夫委命致身臣  
之大訓也故精力可爲之日自當効之

君而不敢私然知止知足義之大防也况形神已憊  
之餘尤當亟致其事而不敢緩臣實病矣揣分  
難勝臣罪猶小尸此虛銜而誤

國家明作重務臣罪不滋深乎展轉思惟萬不得

天恩已用是不憚煩

瀆再布血誠伏乞

聖明特賜矜憐

速准休致俾臣一日得稅駕之期卽

國家一日獲任使之效臣與蟻螾同休息於天壤

間世世戴

皇仁而歌

帝澤也臣不勝哀鳴引企激切虔禱待

命之至爲此具本專差義男丁泰齋捧謹具奏

聞伏候

勅旨留中

辭免新命疏

時陞南京工部尚書

奏為衰病庸臣不堪驅策冒懇

天恩俯容辭免

新命仍准致仕以安愚分以保餘生事臣自去冬叨  
陞工部左侍郎因患夙疾纏綿隨經控訴乞骸  
未蒙

俞允今又四閱月矣忽于本年十一月內准吏部咨  
為缺官事該本部尚書趙煥等

題奉

聖旨丁賓陞南京工部尚書欽此備咨到臣臣聞命自天措躬無地感

恩罔極循分踰涯業從牀褥中扶掖下階焚香向北叩頭恭謝訖伏念臣一介草茅濫竽仕路自反年來奉職瘵曠方且待罪兢兢况今年齒旣衰詎意猶勤

聖簡不卽譴斥畀以南工臣雖捐歿豈忘仰報顧臣表反覆思惟豐芑

舊京冬官重任而臣蒲柳賤質望秋先凋日來痰火陡發加以大便下血過多心脊腰膀之間漸成壅痞雖日逐訪醫用藥調攝而萎頓困疲之勢展轉難支其尚能拮据

陪都爲

皇上度地居民無負

任使至意乎犬馬識主鳥鵲懷恩非不知

寵命之申錫至隆非不知偃蹇之罪狀莫贖無奈福盡災生力窮日短一點報圖微念徒託之夢想已也伏乞

皇上鑒臣病廢真情是實萬難就列收回

成命容臣以原官致仕在籍調理別選賢才庸斯鉅

職儻臣幸獲一息苟延當與田夫樵叟共祝

聖壽千萬萬年矣干冒

宸嚴不勝悚息待

命之至

萬曆四十一年十二月

日奉

聖旨卿才望素著特簡留曹着遵新命上緊赴任不

准辭吏部知道

到任謝

恩疏

時任南京工部尚書

奏爲恭謝

天恩事臣初授縣令幸備臺班洊歷京卿尋領操江

之職久慙尸素正懷負乘之愆誠不自意于萬

曆四十年九月內接邸報吏部爲缺官事奉

聖旨丁賓陞工部左侍郎欽此臣壯年肺病晚歲便

紅舊痾日增新銜難赴萬不得已力疾具辭又

于四十一年五月內奉

聖旨丁賓着遵旨前來供職不准辭吏部知道欽此

臣方圖調理少報

恩私忽于本年十一月內接邸報吏部爲缺官事奉聖旨丁賓陞南京工部尚書欽此伏念臣草茅下士望言蒲柳病姿氣以老而日衰才復駑而成鈍歷試已知其不可一籌欲展而未能况

留都根本之重地司空將作之權衡世正需人臣非其任控疏求退引分自安隨于十二月內奉聖旨卿才望素著特簡留曹着遵新命上緊赴任不准辭吏部知道欽此臣捧誦

溫綸感激思奮何敢再有陳情偃蹇

朝命但臣適患胃痛痰核之疾匍匐不前自春徂秋病骨稍蘇屢勉治裝已于八月十二日前至本部恭設香案望

闕叩頭謝

恩到任管事訖臣敢不益矢初心堅持末路俯竭竹頭木屑之技仰酬遺簪墮履之思查得先淮南京吏部咨准吏部咨該本部

題兩京大九卿咨到之後務要作速赴任仍將起

程月日從實

奏報等因備咨到臣謹遵例

奏報恭謝

天恩不勝感激隕越之至爲此具本專差舍人李吉齋捧謹具奏

聞伏候

勅旨

萬曆四十二年九月 日奉

聖旨覽卿奏謝知道了該部知道

地方災傷乞酌量蠲免疏

時任南京工部尚書

題爲地方迭罹災傷懇乞

聖明憐念熒黎

俯賜優恤酌量

蠲免以固邦本事屯田司案呈奉本部送據管理

蘆政營膳司主事丁自勸揭稱爲洪水漂流洲

民被災最烈事據直隸安慶府江防同知署望

江縣事王可宗申前事內稱據通縣洲民計安

邦等連名呈稱望江地低深重水長便遭淹沒

本年五月內正當收割二麥豈期洪濤漲湧一  
槩滄沒廬舍傾頽沿江漂泊老幼悲號束手待  
斃泣思萬曆四十一年蘆課例當四十二年夏  
月徵解今洲民救死不贍削骨難輸伏乞俯賜  
申詳救民水火等情據此看得望邑彈丸僻處  
江濱夙稱水鄉去年巨浸爲崇州田一壑民情  
洶洶幸賴院道改折多方賑救得延殘喘今春  
竭力播種滿望西成詎意天災復行重罹水患  
自五月初旬以來江流漫漲日高一日至于今  
平地遂成巨浸桑田變爲滄海蛙產灶底魚遊  
市中前日之瘡痍未起今日之災害復臻民皆  
失望時多流離四野遍啼飢之聲一路悉蕭條  
之景災視他邑獨重情較上歲更慘邑民俱苦  
洲民爲甚職猥以庸駑代庖茲土觸目傷心食  
不下咽詢之父老皆云兩年聯災從來未有災  
熒子遺遭此奚堪除一應調停寬恤不敢不殫  
心以救一時之急但洲場盡被滄沒  
國課從何出辦洲民失所忍不

上聞理合申報伏乞憫念地方重被災傷委勘撫恤以安黎庶等因據此又據安慶衛指揮楊大烈呈爲蘆遭異常洪水急救軍命倒懸事據軍舍汪華一等呈前事又據應天府江浦知縣余樞申爲軫救災傷事據佃戶范世業汪起等告前事又據江西南昌衛管理左屯指揮謝世庸呈爲地方水患異常等事又據廬州府無爲州知州陳鳴煦申爲重遭水厄事據佃戶朱呂仇木旻等告前事俱稱水災重大情節相同該本職

批行各屬復勘的確申報去後續據安慶府江防同知署望江縣事王可宗及無爲州知州陳鳴煦等報稱各州委被水災伏祈俯憐災民大施蠲恤等因到職該本職看得沿江洲場舊止裁蘆生艸納課稍輕雖遇災傷例不

蠲免後因佃民陳告墾洲爲田課比蘆而加重賦以田而倍增冊查各屬洲場田地通共二百六十八萬七千餘畝每年輸納部課五萬五千二百餘兩以供

上用袍服器皿之需內田課每畝八分七分不等共  
田二十四萬九百七十餘畝計課一萬五千六  
百餘兩又每年解進

皇庄籽粒銀共七千三百九十餘兩內田七萬五  
千六百餘畝計粒銀三千四百餘兩據申入夏  
以來江潮泛濫低窪洲田變爲巨浸麥旣不登  
穀又失望若賑拯不早將宵啼露處勢必至于  
委壑填溝而任土作貢者又豈能得之神輸鬼  
運卷查萬曆十六二十六年二次水災該蘆政

主事錢守成劉冠南呈部免各屬田課五分三  
十六年四十一年又遇水災該主事宋一鶚李  
天培查議量免田課五分亦經呈堂具

題訖本職目擊今年水災不減往歲且各屬洲民  
當災沴頻仍之後貧已撤骨而猶冀後來之逢  
年值洪波漂沒之餘苦更傷心而徒嗟養生之  
無路年復一年災而又災民旣不能有其生矣  
尚能計畝而課之按籍而責之借官法爲敲骨  
吸髓之資攫民財于賣兒鬻婦之後哉卽今帑

藏空虛不敢多議

蠲免合無查將所屬在冊洲場除密稀蘆草洲灘及高阜田地房基未經告報湮沒少有秋收者行令照舊完課外其實在被災穀麥無收窪田照依十六等年事例將四十二年課銀量免五分則災民可免流移額課不致全虧

國計生民似爲兩便如蒙題

准聽職查照各州縣衛造報勘明被災實數分別減免其未被災傷田地不許一槩朦朧混冒候事

完日仍將免過田畝課銀的數類造文冊呈部奏繳庶于

皇恩蘇災黎之生兇歲無逃亡之屋具揭呈報伏乞具

題施行緣繇到部送司案呈到部臣等卷查萬曆十六年二十六年二次水災該掌蘆主事錢守成劉冠南呈部

題免各屬田課五分三十六年四十一年又遇水災該主事朱一鶚李天培查議量免田課五分

今年水災又更甚于往歲殊爲可憫卽今帑藏  
空虛不敢多議

蠲免合無查將在冊洲場除密稀蘆艸洲灘及高  
阜田地房基未經告報滄沒少有秋收者行令  
照舊完課外其實在被災穀麥無收窪田照依  
十六年等事例將四十二年課銀量免五分則  
災民可免流移課額不致全虧  
國計民生似爲兩便伏乞

勅下工部再加覆議

上請恭候

命下移咨本部令管理蘆政主事下自勸查照各州  
縣衛造報勘明被災實數分別減免其未被災  
傷田地不許一槩朦朧混冒候事完日仍將免  
過田畝課銀的數類造文冊呈部  
奏繳庶民力稍寬而供應不匱矣謹題請

旨

萬曆四十二年十月十五日奉

聖旨該部知道

修理橋梁疏

時任南京工部尚書

題爲修理橋梁事都水清吏司案呈奉本部送據

南京西城兵馬指揮司呈據摠甲趙大林春等

呈本城地方原有大橋一座因靠石城門外稱

爲石城橋先前本部修理經今年久楞木朽蠹

灰石坍空不堪行動呈乞及時修理等情到部

送司查得前橋乃軍民人馬往來輻輳通衢却

因損壞往往跌倒行人蹶傷馬足合行驗修勢

難延緩稟堂奉批查行奉此隨經行委本部營

繕所所正梁見芬經歷黃正色作頭林學等前去該橋處所遍查坍塌毀實跡估計修造數目前來又該本司親詣本橋丈量計長三十六丈內除兩石堦頭外共十一洞每洞下俱用巨石堆積砌滿爲柱面濶連石四丈六尺底濶四丈九尺高三丈七尺目今十分損壞不便行履所湏修理甚急工費浩大難以預定約估合用物料除會有磚木行令抽分窯廠衙門關支外其會無買辦物料併匠作工食大約用銀九百餘兩

于本部庫貯班匠銀內動支但前項約估工料所用錢糧尤恐不敷陸續加添理合開具呈堂奏報施行等因案呈到部臣等看得前項橋梁規模宏大路極衝煩委係

留都巨萬軍民船隻及

黃馬等船出入必繇之路乃今年久損壞行人難渡馬足時傷勢不可緩相應及時修理除一面行令該司公同督委官匠作人等興工修造仍日逐令加嚴切稽查外通候工完之日將做過

工程用過料物銀兩儘數查算明白另行造冊  
奏繳事于動支在庫班匠官銀理合先行具

題緣係懇

恩修理橋梁事理爲此專差舍人張德賚捧謹具題

知

萬曆四十二年十一月

日奉

聖旨該部知道

留都武弁窮極堪憐乞賜議處襲替疏

時任南京工部

署兵部事

題爲

留都武弁窮極堪憐乞

賜議處以彰

國恩以恤祖功事武選清吏司案呈照得每年春

秋二季遇有各衛指揮千百戶年老病故其弟

男子侄具告襲替通狀到部送司行衛拘集各

舍親管保官鄰族人等研審明白又行該府查

勘果無違礙本司仍詣小教場比試各舍弓馬  
得中者取具官吏人等保結前來備繇案呈本  
部具

奏又將原來情節分別類另咨文連人起送兵部  
查對先年貼黃功次來歷相同類送中軍都督  
府候

欽差內官同五府錦衣衛給事中等官比試開列等  
第送回兵部方行具本連人引奏

欽准選授祖職給憑咨回南部通行各官到任支俸  
此從來舊例近有南京和陽衛舍人褚維蕃父  
故業已三年因貧不能赴襲每起送屆期卽稱  
往返多費揭債無繇屢告案候催至今春始得  
起送又查有興武衛舍人劉汝存龍江右衛舍  
人張國相江淮衛舍人李文元金吾右衛舍人  
戴志德等俱在京貧苦身故府軍左衛舍人周  
時縉

季陵衛舍人劉世文飛熊衛舍人湯執中興武衛舍  
人王存仁等俱選回在途貧苦身故爲照南京

各衛軍官俸薄差煩日損月瘠食無半飽身無  
完衣每值赴北襲替盤費無措或指俸米而揭  
借或向親友而哀求或賣房屋以充費或鬻兒  
女以營資萬苦千辛痛心酸鼻至于在北聽選  
守候動經數月多因資金罄乏飢寒莫救而隕  
命異鄉者歲歲有之亦或分文難辦稱貸無門  
甘棄祖廕終世不得襲者衛衛有之此輩始祖  
皆

高皇帝與

文皇帝開國靖難之功臣也以汗血之勲勞無罪而  
一朝絕之深可憫也且使

留都武臣漸就凋零而衛所空虛亦可虞也本司  
職專選法若不急爲區處恐失

祖宗酬功至意再照南都各衛軍官俱從

國初陞授官職世系貼黃版載南都較與在外省  
直衛所及都司所屬者不同且本部每春秋二  
季保勘其稽查功次至詳且慎若照北部事例  
會同各衙門官比試具繇類

清獻公遺集 卷之三  
奏卽移咨北部候

命下准襲不惟可蘇武弁之困窮而且可全功臣之世爵此亦

聖朝之至仁厚澤也查得

國初南京總小旗補替至北京併鎗正統二年兵部左侍郎鄺埜題

請改于南兵部會官監併南京各文職官往時考滿俱赴北京萬曆四十一年吏部尚書趙煥題請改于南吏部類咨考滿夫旗役之勞費可惜何

獨重疲乎軍官文臣之間關當念何難曲體乎武弁合無題

請下兵部覆議以後南京襲替舍人具告通狀到部廳本司研審明白仍復查勘考與貼黃功次來歷相同果無違礙照依北部事例會同內守備同五府錦衣衛給事中等官比試備將對比過緣繇及應否承襲情節照例具

奏仍將取具衛所官吏人等保給各舍供圖及各祖父原領號紙移咨兵部查選候

命下之日該部移咨給憑前來遵照選過員數行令  
各舍授職望

闕謝恩免其赴京其中若有應查應駁者聽兵部照  
例查駁著爲定例其在外省直衛所務照舊例  
赴京聽選不得援南都爲請庶京衛貧弁得以  
稍蘇而

國家恩典愈以彰著其于邦政亦有裨益矣等因  
具揭稟堂奉批准具

題奉此案呈到部該臣等看得南京各衛所官年  
來貧苦極矣每襲替北上必須稱貸而行卽約  
扣俸抵償故有到任數年不得食糧者有無親  
戚可借終身不得襲替者以至勉強出門飢寒  
相迫死于京師死于道路者且比比也赴

闕受恩自是成例但此輩入選無資日就消耗  
二祖有靈亦必憫舊功而加惠者法窮則變此其時  
矣夫京衛皆

洪永世臣且貼黃在南原不同于外衛况南北事  
同一體旣經臣部詳審勘結仍照例會同多官

比試類

奏卽移咨兵部候

命准襲似亦恩不妨法者該司所引補併考滿二例  
委果事體相類伏乞

勅下兵部覆議施行則五十一衛之窮官共戴百千  
萬年之厚澤所以上廣

聖祖酬功之仁下激武臣效忠之義者匪淺鮮矣緣  
係

留都武弁窮極堪憐乞

賜議處以彰

國恩以恤祖功事理未敢擅便爲此具本專差千  
戶張本固資捧謹

題請

旨

萬曆四十三年正月十八日奉

聖旨兵部知道

請給督冊關防疏

時任南京工部署兵部事

題爲議

請督冊關防以專責成以重邦政事武選清吏司

案呈照得本司每年春秋二季保勘各衛所襲

替優給舍人事體重大其查對世系年歲惟憑

官旗文冊至于版籍功次與節代廕襲冊莫重

于貼黃雖摠小旗役補併等項均非細故本司

查勘起文固綜核務詳切恐衛所官職甲更乙

改奸究莫測但查官旗貼黃二冊原係本司主

事管理暨有各衛所官舍人丁告報入冊及釐  
正年歲等項文移又隸郎中印發事務頗繁稽  
核難徧如使事權不一未免政體失專且近奉  
本部送准兵部咨爲狡弁藐法布賄朋奸事該  
貴州巡按御史潘濬

題叅普安等衛指揮任仲美等隱匿父祖失機等  
情擅改貼黃希圖冒襲等因業經覆奉

欽依備咨到部轉行南京錦衣等衛所及南直隸撫  
按衙門轉行都司衛所以後襲替俱要從實供

報父祖陞降及公私罪犯情繇除造解貼黃外  
另將事故簡明冊照式造投武選司稽考等因  
前來稟堂通行外爲照官旗貼黃二冊乃

祖宗以來成憲每遇清造之年經兵部題

請移咨到部查造較對明白差官齎送赴京自非  
有司官專管萬一弊竇未清詐冒突生關係匪  
細及查本部船政工料操運武學皆各該司主  
事分理節經題

請頒給關防以便行事今照前項二冊所關襲替

優給猶宜慎重合無比照三司事例酌議具  
題頒給南京兵部督冊分司關防一顆付本司主  
事收掌遵行其一應清造冊籍查勘旗役釐正  
等項文移悉聽本官僉發庶事權歸一弊竇永  
清而軍政亦爲之一肅矣等因具揭稟堂奉批  
准具

題奉此案呈到部該臣看得官旗貼黃二冊爲官  
舍廕襲攸關事寔重大據議專官督理以一事  
權以清弊竇委于政體有裨若無關防又不便  
從事如該司所議良爲妥當旣經查與船政等  
項分理事體相同相應照例題

請伏乞

勅下兵部再加查議覆

請轉行禮部鑄給南京兵部督冊關防一顆咨臣  
給付武選司主事收掌施行謹題請

旨

萬曆四十二年十一月 日奉

聖旨該部知道

修理殿房以崇奉祀疏

時任南京工部尚書

題爲奉祀事營繕清吏司案呈奉本部送准工部  
咨營繕清吏司案呈奉本部送工科抄出南京  
內守備司禮監太監劉朝用

題稱萬曆四十二年十月十九日據

奉先殿司香南京內官監右監丞隆忠等呈稱各職  
晨昏奉祀恭視

奉先殿頭廟至六廟自萬曆三十年該南京工部修  
理到今年深日久各廟蓋瓦脫落草木叢生每

遇風雨俱各滲漏椽柱朽壞并週圍小房等處亦各損壞若不具呈及時修理誠恐日漸傾圮干係匪輕伏乞轉達題

請移咨南京工部親詣料計修理等情具呈前來臣看得所呈係于重務臣因病勢尪羸不能動履隨經行委南京司禮監太監譚宗保殷智逐一踏勘去後續據回稱遵依親詣

殿廟等處并週圍小房委因年久蓋瓦脫落草木叢生以致風雨滲漏椽柱朽壞帳幔鋪陳俱有水

跡等因回報前來伏望

萬歲爺爺軫念

宗廟奉祀尊崇重典乞

勅工部轉行南京工部親詣料計修理所有興工等項各行事宜該部查例徑行具

奏施行等因奉

聖旨工部知道欽此欽遵抄出到部送司相應移咨南京工部查照該監具

題內事理往例應否繕修酌量緩急施行等因到

部續准南京守備司禮監太監劉朝用揭開據  
南京直殿監署印奉御賀貴稟稱恭照

武英殿并前後

殿宇穿堂東西廊廡及

武英門等處乃係奉安

皇祖御容處所又據南京尚膳監署印奉御馬隆稟

稱本監

大庖內并

大庖門左右膳房穿堂

皇竈

御器庫左右東西庫房菜房拖爐房佛堂井亭及

各員役該班直宿房等處乃逐日晝夜造辦

膳羞處所又據南京

御馬監署印奉御李孝忠稟稱

思善門裡厦房乃貯收本監印烙馬匹火印處所

又據南京混堂司署印奉御林松稟稱本司設

有混堂三座脫衣亭一座週圍小房等處係每

月朔望燒湯供給大小員

膳膳臺獻

供養職等查得前項

殿宇等房自萬曆三十年修理

奉先殿併修至今年久輒瓦脫落梁柱朽壞俱各滲漏難以奉安今值題修

奉先殿例應帶修緣繇到部送司呈部隨該本部尚書丁賓右侍郎李得陽會同南京守備司禮監太監劉朝用因病轉委南京內官監太監黨存仁并南京守備掌南京中軍都督府事懷遠侯

常胤緒協同守備掌南京後軍都督府事平江

伯陳啓嗣南京禮部署部事南京吏部右侍郎

蔣孟育南京工科署科事南京禮科給事中晏

文輝巡視錢糧南京戶科給事中黃建中巡視

九庫南京四川道監察御史汪有功南京禮部

祠祭司署司事儀制清吏司主事朱身脩司香

南京內官監右監丞隆忠南京內官監監工太

監趙方奉御馬隆帶領欽天監生人等恭請

奉先殿

武英殿

大庖厨火焰門等處逐一詳細看得各

廟殿宇廡廊膳房椽桁椽簷裏口等處委果各有損壞滲漏俱應修理但今帑藏空乏俱遵工部咨開將帶修等處工程酌量緩急勘估就將合用工料行據營繕清吏司署郎中事主事歐陽燦員外郎章謨主事鄭之文呈稱依奉會同本部司務孫懋昭屯田清吏司署司事虞衡清吏司郎中丁遂都水清吏司郎中李得中督率營繕

所所丞劉藻都吏黎上聘典吏廖芳作頭余德賢朱經余大能沈信逐一估算合用琉璃甃瓦楠杉松雜木植釘灰硃漆等料及各匠工食大約該銀九百四十四兩七錢七分七厘送司隨准南京禮部祠祭清吏司手本開稱奉本部送據欽天監手本選擇本年七月十九日甲子宜用卯時從北方興工吉等因前來通查案呈到部臣等仰惟

奉先殿乃崇奉

列聖香火

武英殿乃奉安

太祖

成祖御容

大庖厨乃

皇竈膳羞處所皆尊嚴重地年久損壞非所以妥

神靈而慰

孝思也委因修理其

御器庫等併各小房亦應酌量帶修既經該司查估

前來又經臣等覆勘明白相應題

請伏乞

勅下工部詳覆恭候

命下本部遵照吉期興工合用物料會有者行兩關

并該窰關支會無者于本部蘆課抽分班匠銀

內支給買辦運料直匠合用南京兵部差撥營

軍應用再照前項應修處所雖經估計中間如

有一瓦滲漏一木寸朽者尚須臨時看驗易換

務求堅好其琉璃甃瓦并楠杉木植等料尤須

燒造備辦方得應手本部仍照上年舊規行委能幹司官一員專一督理行移南京該科給事中南京都察院委監察御史各一員不時赴工稽察奸弊巡察科道及本部委官各給與廩給于本部庫貯蘆課銀內折支俱照萬曆三十年事例舉行均乞

聖裁通候工完之日行移科道查驗明白通將修過工程用過物料役過工匠軍夫支過廩糧造冊奏繳仍乞

勅下該部轉行該衙門撰寫祝文奏

議遣官祭告并移文南京太常寺備辦香帛祭品舉行緣係奉祀事理臣等未敢擅便爲此具本專差舍人齎捧謹題請

旨

萬曆四十三年四月 日奉

聖旨該部知道

懇憐織造苦役歸併甦困疏

時任南京工部尚書

題爲懇憐苦役比例歸併甦困等事都水司案呈

奉本部送據織造所羅匠徐弼等告稱祖原係  
內織染局正匠身緣受僱工部織染所織造

誥勅紗段并曆日包袱黃羅遂重充所匠役今

誥勅等物已蒙歸併內局獨曆日黃羅貢身等私家  
領造交納坑累痛苦曾蒙南刑科徐給事中

奏行歸併內局業奉

欽依咨送本部未經具覆今人戶消乏額匠倍加賠

累艱苦逃亡殆盡懇將前羅比照  
誥勅事例悉行歸併

內局極拯重役貼危復生等情到部送司案查十  
七年五月內奉本部送准工部咨該南刑科給  
事中徐桓

奏爲議舖行祛積蠹以蘇民困以培根本事內款  
開查得南京織染所額役官一員工匠四十餘  
名專爲織造

奉先殿器皿項下羅紗及進

御覽曆日包袱黃羅而設今

奉先殿羅紗已經

題准工部織造獨曆日包袱黃羅仍舊該所織造  
匠役逃亡殆盡獨存周定王福余華等三家輪  
織輪解官吏肆其漁獵賠累不堪宜令南京工  
部解料赴工部比例併織爲便將所官裁革改  
選庶可以省冗費而甦民困等因具

奏該工部

題覆南京工部織染所衙門原爲織染而設今議

曆日黃羅比照

奉先殿器皿紗羅改行工部織造但不知此羅賠累  
凡何應否改行工部織造其織染所應否裁革  
俱應勘處者也恭候

命下本部移咨南京戶工二部會同巡視科道衙門  
將明職掌定收貯二款查照所議着實舉行其  
酌時估織造曆日黃羅二款再行查勘要見錢  
糧價值作何定估不致偏累舖商曆日黃羅作  
何織解不致偏累官匠其織染所衙門應否裁  
革逐一計處停妥具

題前來以憑議復等因題奉

欽依備咨到部送司已經通行在卷今據羅匠徐弼  
等苦告消乏賠累乞要比照

誥勅命軸歸併

內織染局織解一節隨經行准南京

內織染局手本回稱查得羅匠徐弼等見在本局

織造

上用龍袍工匠所織

誥勅命軸始自洪武年間設有官誥堂人匠在局凡遇傳織以十分爲率分派正匠織完四分送南京印綬監裝表本監差官起運工部外僱人匠織六分本部自行裝表差官起運解官交收北監屢次查驗內外織造不得叅行前來至于嘉靖初年題奉

欽依歸併責令額匠併造近年正匠逃故數多議改二人分織併解等因回復到司又經行據上江二縣申回羅匠徐弼等十二名俱在各縣每年認納夫銀不缺等因又據織染所大使王倣申回羅匠徐弼等委係消乏但本所織掌

神帛堂開庫鎖匙三條每遇科道下庫赴領與夫內庫料物俱聽出給印信領狀等因各回覆到司該本司署郎中事員外李得中查得曆日包袱黃羅先年織造一十三疋有零嗣後增至二十一疋有奇近年傳織十七疋四尺各年傳造不一合用絲料織染本部俱給有定價惟是解進羅疋每年輪差役一名其管解赴運苦于盤費

之煩抵京交納苦于守候之久囊旣竭而稱貸  
苦奔投之無門債已負而還家苦賠償之無自  
遂致家產蕭條人匠逃徙供織不前顛連可憫  
先年該科具奏比照

奉先殿器皿項下紗羅改工部織造欲以甦困便民  
良爲有見緣更代不常遂未

題覆今據羅匠具告賠累消乏比照

誥勅命軸歸併

內織染局織解蓋小民之困危已極故屢形控訴  
而卑司之見聞已真何忍傍觀第事干

題覆應合會議已經案呈本部移文科道等衙門

約日公同會議隨該本司于本年六月二十四  
日會同巡視錢糧南京戶科黃建中南吏科署  
工科事晏文輝南京四川道御史汪有功巡視  
九庫南京刑部陝西司主事孟楠各親詣清議  
堂公同會議得黃羅一十七疋有零匠役旣稱  
苦累應解料歸併織染局織造解

進其織染所官原出各庫料物印信領狀及管

神帛堂鎖匙似難議裁應該存留併委修橋梁水洞等差俱批在案今議相妥理合具

題等因案呈到部臣等看得該所原設羅匠四十餘戶十餘年方輪一次是織造不煩故各役不苦經今年久丁少戶絕止遺徐弼等數人以貧困無聊之人供先年四十餘家之役已爲煩苦况已當內局額匠該縣民差復令供織羅匠尤爲難堪旣先經科臣徐桓疏

請復經公同會議將羅比照

誥勅命軸歸併

內織染局造解

進尤爲省便所有絲斤顏料仍照

誥勅命軸事例移文南京戶部派商代辦送該局織造自解合用人匠聽該局召募其工銀仍于本部支取至于織染所衙門原管

神帛堂開庫鎖匙聽候科道下庫開領料物出給印信領狀似難裁革相應存留仍聽本部委修橋梁水洞等差俱經議擬前來相應題

請恭候

命下乞

勅工部再加詳議如果臣言不謬依擬  
題覆仍行令本部遵照以憑轉行南京  
內織染局照例織解施行庶事有畫一之規而民  
無偏累之苦其于公私益甚便矣謹

題請

旨

萬曆四十三年八月二十九日奉

聖旨該部知道

報完橋工疏

時任南京工部尚書

奏為修理橋梁事都水清吏司案呈奉本部送據

委官營繕所所正梁見芬所丞劉藻留守前衛

經歷黃正色西城巡邏把總孫宣新江營把總

張懋勳衛總等官張文綵等各呈稱督令匠作

林學賈承祥等修完石城橋一座用過會有會

無料工各數目到部送司案照先奉送據西城

兵馬司呈據總甲林春趙大等呈前事呈稱本

地方原有大橋一座因靠石城門外稱為石城

清惠公遺集 卷之三  
橋先前修理今經年久楞木朽蠹灰石坍空不堪行動呈乞及時修理等情據此稟堂奏批查行奉此隨經行委本部委官營繕所所正梁見芬經歷黃正色帶領匠作林學賈承祥等前去該橋處所遍查坍毀實跡估計修造數目前來又該本司親詣驗看委果十分損壞不便行走相應及時修理但橋工浩大難以預定約估合用料物除會有磚木行令抽分窯廠關支其會無買辦料物并匠作工食大約用銀九百餘兩如或不敷相應陸續加添具揭呈堂

奏報題

知外遵行在卷通行嚴督管工委官梁見芬劉藻黃正色張懋勳等帶領匠作林學賈承祥等將本橋築壩治水伐石鳩工修理去後續據稟稱本橋年久未修拆卸損壞甚大原估工料不敷應用稟乞續料等情隨該本司復驗委果前料不敷應用相應續估添用開具稟堂准行外責令本官嚴加查點如法修理今據呈報修完前因

又經本司會同各司官復詣細勘委果修砌完  
固查照原估并續料除會有磚木行窯廠關支  
外其會無買辦條石等料工銀扣算實用過一  
千四百三十四兩零六分三厘陸續俱于抽分  
班匠銀內支銷訖今已工完相應造冊

奏繳理合案呈施行等因到部臣等看得前項橋  
梁坍塌日久舊貫難仍及今修理朽料悉除木  
石俱壯工程大倍往昔堅固足垂永遠所據用  
過工料雖稍加于原估然經多官看驗毫無冒

### 侵合行

奏繳緣係懇恩修理橋梁事理今將造完前項橋  
梁做過工程用過料物支用銀兩各數目理合  
開坐造冊具本專差舍人林立賚捧  
進繳謹具奏

聞

萬曆四十三年閏八月

日奉

聖旨該部知道

殿房修理報完疏

時任南京工部尚書

奏爲看守事營繕清吏司案呈奉本部送據本司  
署郎中事主事歐陽璨呈稱奉本部劄付准工  
部咨前事備劄本職照依題奉

欽依內事理卽便督率官作梁見芬等管修  
孝陵正殿并兩廡膳房

明樓

寶城碑亭

具服殿

清惠公遺集 卷之三  
金門戟門

後宰等門

大紅門

櫺星門券門

西紅門宰牲厨并亭周圍紅墻等處洗菜房養牲房欄牲墻本監公廨倉庫各官住房及

懿文殿廡等處原估應修工程關支物料嚴立限期如法修理務要工垂永久財無冒破事完造冊呈報以憑

奏繳施行奉此案照前工先奉本部劄委原任都水清吏司主事歐陽璨管理方始興工陞授營繕清吏司郎中又經劄委本司員外郎李得中接管後因李得中陞任隨經劄委本司員外郎章謨管理復因章謨公差仍劄本職前後各官遵將會有木植磚瓦行兩關窰政抽支會無硃漆金薄顏料灰箴等件并抽分未盡木植俱召商買辦陸續移文支取到工隨經會同南京內官監太監張敬奉御趙秀督同本部營繕所所

正梁見芬贓罰兼乙字庫大使仇儒原任東城  
兵馬司吏目浦光祐前赴工所遵奉

欽依于萬曆四十一年九月初三日興工將合用料  
物驗收給發作官沈奎等嚴率木瓦等匠每日  
卯進酉出分投上工將原估

殿廡等處損壞處所逐一查驗明白中間有原勘未  
盡者但有寸朽點漏隨宜修理如

大殿之上右邊老角梁一根子角梁一根續驗朽壞  
隨卽備辦香楠大木如式修換

殿內天花板平盤斗拱柱梁枋桁數十年未經綵畫  
顏色黯淡逐一綵畫煥然一新上面瑠璃瓦行  
低窪照依上年事例用木板墊平純用石灰揭  
堦免致艸木叢生各處窻榻門扇金釘獸環壽  
山福海等項年久損壞顏色脫落者逐一補換  
油漆一色更新至萬曆四十三年十月初六日  
據官梁見芬等呈報工完隨該本職會同

孝陵神宮監左監丞常永親詣各工驗看委果修理  
完備取有該監完文在卷除將匠作工食并各

商料價銀兩稟堂移文巡察科道官掛號明白  
呈堂劄付節慎庫各于抽分蘆課班銀內并寶  
源局支給制錢外今將做過工程用過物料僱  
過工匠支過銀錢役過軍夫理合造冊呈乞  
奏繳等因到部送司本司又准本部都水清吏司  
付開准本司付前事

題修金水菜房獅子等橋左右箔岍海漫石欄牲  
墻水洞窻楞蓋頂等石該本司署印主事何節  
督同營繕所所正梁見芬帶領匠作人等俱修  
完固所有用過工料銀兩合付前去併入

奏繳等因備付前來案照前事先奉本部送准工  
部咨開該南京工部署部事南京禮部右侍郎  
朱之蕃等

題准工部咨該

孝陵神宮監掌印左監丞常永等題前事該工部覆  
奉

欽依備咨前來隨該本部會同內外守備科道等官  
及

孝陵神宮監掌印左監丞常永司香魏國公徐弘基  
詣

孝陵逐一看得

正殿左右廡廊

明樓

寶城堞口

金門戟門膳房周圍紅牆

懿文殿

具服殿

大紅門

櫺星門

西紅門宰牲厨碑亭井亭等處瑠璃滴水勾頭同  
瓦垂脊飛仙獸吻磚堞多有脫落椽望桁柱損  
壞天花板平盤斗拱柱頭梁枋彩色陳黑門牕  
榻扇硃漆淺淡廡廊等處委因年久風雨不時  
侵損滲漏通宜修理誠不容緩又看得洗菜牛  
碾豬羊等房并直宿更舖及本監倉庫公廨房  
屋或年遠倒塌或近被風雨損壞俱應酌量修

理合用工料大約估銀一萬一千三百八十七兩八錢七分八厘八毫隨據南京欽天監選擇萬曆四十一年九月初三日戊午宜用卯時從正南方起工大吉緣繇前來合照上年事例行委能幹司官一員專一督理行移南京該科給事中南京都察院委監察御史各一員不時赴工巡察奸弊運料軍人每日給與口糧米一升于南京戶部關支巡察科道及本部委官各給與廩給于本部庫貯蘆課銀內折支工完之日

造冊

奏繳仍乞

勅下該部轉行該衙門撰寫祝文奏

請遣官及期祭告等因奉

聖旨工部知道欽此欽遵隨該工部覆議得

孝陵殿宇工程重大先該本部

題行該部查勘去後今署部事南京禮部右侍郎

朱之蕃等

題稱會同南京內外守備等官親詣

陵殿逐一查勘應修處所估計合用料物議應動錢糧具

題前來相應依擬覆

請恭候

命下本部移咨禮部題

請遣官祭告及將撰文辦祭事宜徑自轉行各衙門知會施行等因奉

聖旨是欽此欽遵移咨到部又准禮部咨前事准工部咨內開前項

殿廡等處修理興工例應祭告

孝陵并祭

后土司工之神既經南京工部具

題選有吉期前來合行翰林院撰祝文南京太常

寺備辦祭品香帛所有行禮官員伏乞

欽命遣禮部祠祭司主事朱汝鰲祭告行禮等因奉

聖旨是欽此欽遵等因備咨到部隨經行移該衙門

欽遵祭告并劄本部原任都水司主事歐陽璨

遵照吉期興工親率所正梁見芬等在工往來

清惠公遺集 卷之三  
監督修理去後續委員外郎李得中員外郎章  
謨郎中歐陽璨接管今據歐陽璨呈報工完案  
查前項工程提督經理該署部事原任南京禮  
部右侍郎今丁憂朱之蕃本部尚書丁賓右侍  
郎李得陽會同閱視該南京內守備司禮監太  
監劉朝用因病不能動履委

孝陵神宮監掌印左監丞常永南京外守備掌南京  
中軍都督府事懷遠侯常胤緒協同守備掌南  
京後軍都督府事平江伯陳啓嗣叅贊機務南

京兵部尚書黃克纘司香魏國公徐弘基巡察  
奸弊南京工科署科事南京禮科給事中晏文  
輝南京廣東道監察御史吳良輔陳玉輝孫光  
裕趙紱郭一鶚督理工程該本部營繕司署郎  
中事歐陽璨原任本部營繕司員外郎今陞都  
水司郎中李得中原任本部營繕司員外郎今  
陞屯田司郎中章謨督理橋梁水洞該本部營  
繕司主事何節督造瑠璃甃瓦該本部虞衡司  
郎中丁遂督造黑窯甃瓦該本部營繕司主事

鄭之文抽辦木植支放蘆課抽分制錢錢糧該  
原任本部屯田司主事今陞南京禮部精膳司  
郎中黃汝亨本部營繕司主事孫弘緒本部虞  
衡司主事趙一韓主事江朝賓張居方本部屯  
田司主事宋名世磨算錢糧該原任本部司務  
今陞營繕司員外郎孫懋昭看儼工程該

孝陵神宮監掌印左監丞常永查點工匠該南京內  
官監太監張敬奉御趙秀管率工匠該本部營  
繕所所正梁見芬贓罰兼乙字庫大使仇儒原  
任南京東城兵馬司吏目浦光祐管運甃瓦管  
窰把總南京鷹揚衛指揮僉事王來聘運料該  
南京大教場衛總詹仕學小教場衛總楊文彩  
帶領軍餘直匠

孝陵衛指揮使葛當夏蕭鳴世催工記料支放錢糧  
營繕司都吏黎上聘令史吳世爵典史劉挺王  
嘉祥曾承芳蕭應斗姚舜濱磨算錢糧本部知  
印談文彬承發吏胡遵禹宋之良承行修理橋  
梁泊岍都水司都吏陳鶴典史鄺厚先承行燒

造瑠璃虞衡司都吏徐自通典吏梁胤淮承行  
抽分錢糧屯田司帶都典吏楊呂紀內守備廳  
承行掾史仲士端杜學臯外守備廳承行掾史  
賴喬相吳希亮甘廉羅鳴遠逐日在工填報循  
環登記收放營繕所吏沙慕賢程堯賢點匠記  
工東城兵馬司吏沈思悌甲字庫吏吳士俊文  
思院吏高明管總書手陳國卿徐喬相顧三錫  
張應詔率領匠役作官沈奎作頭余文學沈可  
義齊美劉繼祥以上各官及各吏書匠作等役  
俱在工效有勤勞等因案呈到部又經臣等會  
同南京內外守備等官恭詣前項經脩處所逐  
一覆驗委皆完備堅美其用過會有會無木植  
輒瓦顏料釘灰等件并各匠工食通共用過銀  
錢六千八百八十一兩八錢二分七厘八毫行  
移科道查驗明白外其餘剩物料會修各處工  
程作正支用臣等伏惟南京爲我

太祖高皇帝創建之都

孝陵尤

神靈妥安之所百官瞻謁祭享歲時無斁

殿宇崇嚴城樓完固少有弗稱卽當修葺工作之要

孰有重于此者茲遇我

皇上孝思純篤

俯從臣等所

請遵典分任量材庀工今已告完我

皇祖在天之靈時格時歆而我

皇上尊

祖孝

先之心亦大慰矣大小臣工服役竣事分所宜然豈

敢云勞但先年

陵工告成例蒙

恩賚此係

皇上厚恩非臣等所敢希覬伏候

聖裁再照該監

題修事理十年一次爲時旣久未免霜雪之凍冽

風雨之飄撼中間處所不無侵損剝落之患照

依上年事例行令該監每年春間閱視墻垣之

日但遇各處輒瓦少有動搖卽行堯抵各處艸  
木少有發萌卽行薙去庶

陵殿可以常堅常固常麗常新矣緣係看守事理今  
將修過工程用過物料僱過匠役支過銀米役  
過軍夫數目理合開坐造冊具本專差舍人張  
應詔賫捧

進繳謹具奏

聞

計繳文冊一本

萬曆四十三年十一月

日奉

聖旨工部知道

開濬河道以疏地脉疏

時任南京工部尚書

題爲明職掌遵舊例懇

恩開濬河道以疏地脉以利民生事萬曆四十三年  
九月十九日都水清吏司案呈奉本部送據五  
城居民劉鳴曉秦雲龍等連名呈竊照

留都形勝鍾山雄峙盤踞大江以水爲脉城中舊  
有正支等河自水西門篾渡橋起進水西水城  
門西水關內下浮橋上浮橋新橋南門橋卽鎮  
淮橋武定橋文德橋至通濟水城門內東水關

西水關內大中橋復成橋玄津橋竹橋珍珠橋  
新浮橋通賢橋北門橋之西潭止此爲正河又  
繇陡門橋紅土橋乾道橋又繇淮清橋四象橋  
內橋會同橋筮橋二水會合俱從昂新橋倉巷  
橋望仙橋周家橋鉄窻楞水關出城是爲大支  
河又繇東西

長安門下流水至白虎橋會同館橋烏蠻橋柏川  
橋出正河是爲小支河又繇後河水閘從浴賢  
橋土橋珍珠橋出正河亦爲小支河又繇十廟  
西門舊名進香河內新建橋嚴家橋大石橋周  
家橋蓮花橋出正河亦爲小支河其陡門橋淮  
清橋二水總至鉄牕楞之大支河包藏於正河  
之內其栢川橋出口者珍珠橋出口者蓮花橋  
出口者三小支河環遶于大河之外用以吐納  
靈潮疏流穢惡通利舟楫故居不病涉小民生  
業有資譬如人身腑臟居內有血脉榮衛以周  
流也若使血脉一淤則元氣底滯而身必受其  
病故河道之開塞所係良非輕者查得萬曆十

七年間先該南京工部題

請疏濬續經科部各題

請定爲挑濬事例每年劄委街道主事一員兼管  
巡河遇有壅淤處所卽便會同五城御史督率  
兵馬水利等官于秋冬潮落之時逐一分投挑  
濬其各支河倘有淺塞亦卽深加挑挖務使河  
道無阻又建閘蓄水畫界經理凡居民侵佔壅  
土及拋煤灰與淘沙並嚴禁其加惠地方意思  
甚厚奈何邇年以來部務滋繁浸淫漸弛迨至  
乎今正河淺狹盡矣其初中間瓦礫泥土往往  
積成礪碓而支河全淤遂成平地一遇霖雨淋  
漓街市漲漫蕩爲巨浸民與鼃羸族處濕久著  
脾俱成腹疾若不大疏難堪昏墊懇乞查照舊  
例疏濬便民等情到部隨批都水司會同本部  
司務廳及各司官親詣十三門內沿河一帶查  
勘正河于夏暑月略可通行而河身淺狹將來  
已不無桑田之慮至于各大小支河委係糞土  
堆積平滿雖求一衣帶之水亦不可得蓋因年

久未疏瀕河居民視爲息壤溷圍塵土填委其中以致汙垢停蓄舟楫不通居民種種不得其所而風氣日見頹敝及照萬曆十七年間本部疏濬其于河夫身役經費等項俱經刊有成書班班可據則正支等河在今日相應循例並濬者但自今河水初退酌量緩急合無先濬陡門淮清二橋各進口大支河其正河及三小支河俟冬盡水落次第舉行等因案呈到臣臣乃躬率都水司及廳司各官同行城內沿河一一踏勘果皆淤塞不堪而通都士民苦墊願挑者衆一詞情甚激切臣等看得

留都國家豐芑重地而水道乃氣脉攸鍾本不宜聽其淤塞又况居民告急往例可循而職掌所在毋容推諉除一面知會部院併五城御史及科道等衙門外相應乘時于本年十月十一日從大支河起手以次疏濬若其間一切規則應照萬曆十七年大挑事例委官分投募夫督率挑挖每日臣督率都水司官親到河隄早晚嚴

覈各作委官夫役勤惰其給散工食另委官二  
員掌管都水司官不自經手然必都水司官驗  
准每日上工的確夫數批發掌管錢糧委官方  
照數當衆唱名給散不得虛冒侵漁其工費銀  
兩數目合候竣事之日臣仍督令都水司會同  
司務廳及各司官清查明白逐一造冊

奏繳緣係明職掌遵舊例懇

恩開濬河道以疏地脉以利民生事理爲此具本專  
差舍人張應詔齎捧謹具題

知

萬曆四十三年十二月初一日奉

聖旨該部知道

清溪先生集



